

Керемет бастауыш мектеп-балабақша кешені

Тәрбие сағаты

Тақырыбы: «Тенге-Тәуелсіздік келбеті»

Дайындаған: Байсент Балжан

Түркістан 2021-2022 ж.

«Теңге-Тәуелсіздік келбеті»

Мақсаты: Қазақстанның ұлттық ақшасына қошу тарихы, оның маңызын түсіндіру.

Білімділік: ақшаның пайда болу тарихы, өз ұлттық теңгеміздің айналымға кіруі, қалай, кімдер жасағаны туралы мағлұмат беру. Басқа ел валюталарымен таныстыру. Жаңадан айналымға енген ұлттық валюта, оны енгізудің қажеттілігі, безендірілуі туралы кеңірек таныстыру.

Дамытушылық: оқушылардың ақша туралы түсініктерін кеңейту, белсенділіктерін дамыту.

Тәрбиелік: оқушылардың Қазақстанның тәуелсіз мемлекет ретінде қол жеткізген жетістіктеріне мақтаныш сезімдерін ояту.

Көрнекілігі: ақшаның түрлері, слайд, бейнетаспа, суреттер

Барысы: I. Ұйымдастыру кезеңі

Ынтымақтастық атмосферасын қалыптастыру.
«Шаттық шеңбері»

Қайырлы күн, оқушылар!: Біздің Отанымыз - егеменді, тәуелсіз қазақ мемлекеті. 130 - дан аса ұлт өкілдері тұратын осынау қасиетті мекенде, асқақтаған өлкеде, кеңдігі керемет дархан далادا, егіні теңіздей толқыған, төрт түлігі мыңғырған, өндірісі өркендеген мекенде өмір сүруші әрбір адам өз Отанын жанындай сүйіп, оның көк байрағын көкке көтеруді мақтаныш тұтады. Олай болса Тәуелсіздігімізге шаң жұқтырмай, оны ең қымбат бұйымымыздай сақтап, құрметтеп келер ұрпақтар қолына аманат етіп тапсыруға тиіспіз. Бүгінгі іс-шарамды жұмбақпен бастамақшымын:

Әлемнің тынысы

Байлықтың белгісі

Ол не? -... (ақша, теңге)

Олай болса Мың жаса, тәуелсіз Қазақ елі! - дей келе ««Теңге-Тәуелсіздік келбеті»» атты тәрбие сағатымызды бастаймыз.

Міне, бүгін теңге күнім – мерекем,

Қандай дұшпан «олай - бұлай» дер екен.

Осы теңге арқасында келешек,

Елге келер тойымшылық, берекем.

Әр мемлекеттің өзіне тән белгілері болады. Бүгінгі сабағымызда сол басты белгілердің бірі Қазақстанның ұлттық валютасы теңге туралы әңгімелейміз.

Топқа бөлу: I топ- теңге

II топ –евро

III топ- доллар

Ақша ертеден адамзат пайда болуымен қатар өмір сүріп келеді. Әлемде күн сайын қыруар адам тауар сатып алғанда, қызмет атқарғанда ақшамен байланыста болады. Ақша дегеніміз не?

Видеоролик тамашалау: Теңгенің шығу тарихы

Топтық жұмыс: I топ: Ақша(теңге) деген не?

II топ: Ақша не үшін қажет?

III топ: Ақша қайдан келеді?

Ақша-жалпыға бірдей балама ретінде барлық басқа тауарлардың құнын көрсететін ерекше тауар. Ақша барлық тауар өндірушілер, сатушылар, тұтынушылар арасындағы экономикалық байланысты қамтамасыз етеді.

Ой қозғау: ақша қандай қызмет атқарады? ақша – құн өлшемі, айналыс құралы, қазына, қор, төлем құралы. 7 ғ. ақшалар мыстан, күмістен және алтыннан жасалды. Алтын айналысына бірқатар елдер 19 ғ. екінші жартысында өтті.

Түсіндірме жұмыс: теңгенің шығу тарихы туралы баяндалады

Алғашқы қағаз ақшалар қай елдерде пайда болды?

Алғашқы қағаз ақшалар б.з. 12 ғ. Қытайда, 1690 ж. Ұлыбритан отары болған солтүстік Америкада, 1762 ж. Австрияда және 1769 ж. Ресейде пайда болды. Бірінші дүниежүзілік соғыс жылдары қағаз ақшалар барлық елдерде шығарылды.

Кез-келген ақшадан әрбір елдің өткенін, бүгінгісін және болашағының бейнесін, яғни тарихын көруге болады..

Тапсырма. Ұлы ғұламалар – теңгемізде. Төл теңгемізде ұлт қайраткерлерінің, батырлардың, хандардың суреттері салынған.

1 теңгеде – Әл Фараби

3 теңгеде – Сүйінбай

5 теңгеде – Кұрманғазы

10 теңгеде – Шокан

20 теңгеде – Абай

50 теңгеде – Әбілхайыр хан

100 теңгеде – Абылай хан

Тапсырма: Әр топтан бір оқушы қағаз ақшаның қандай екенін баяндап береді.

-Біздің теңгеміз болашақта қандай болады деп ойлайсыңдар?

Олай болса, біздің теңгеміздің болашағы мынандай болады:

Теңге отыр шалқайып,

Сом отыр шай құйып.

Доллар отыр қан-жоса,

Франк болса далбаса.

Лира жатыр ес-түссіз,

Иена отыр үн-түнсіз.

Рубль отыр жымиып,

Риял келеді тырыып.

Бәрі теңгеге қарайды,

Оған бата алмайды.

Аузына қарайды,

Айтқанын орындайды.

Теңгеден озбайды,

Оны тыңдайды.

Артық іс қылмайды,

Себебі теңге

Жамандық қылмайды,

Әділдікті қолдайды.

Жеке жұмыс: дидактикалық-танымдық тапсырмалар

Сабақты пысықтау: Жоғары айтқандарымызды қысқаша бекітіп көрейік.

-Ақша деген не? (барлық басқа тауарлардың құнын көрсететін ерекше тауар)

-Төл теңгеміздің туған күні? (1993 ж 15 қараша)

-Ақша сақтайтын мекеме. (Банк)

-Жеке есепшоты бар төлем-қағаз. (карточка)

-Ақша беретін құрылғы. (Банкомат)

-Төлемді растайтын қағаз. (Чек)

Мақал – сөз мәйегі.

1. Теңге тиыннан өсер, Жылқы құлынан өсер. 2. Ақша кетуге тырысады, Есеп ұстауға тырысады. 3. Ақша болса – алақанда сорпа қайнайды. 4. Ақша ашпайтын құлып жоқ. 5. Ақшада көз жоқ. 6. Ар-намысы таза адамның ақшасы аз болады.

Түйін сөз: Саябақта серуендеп кележатқан 2 достың әңгімесі.

2 дос саябақта келе жатып, біреуі кенеттен жерге еңкейіп, 1 теңге тауып алады. Екіншісі оған:

- Оны қайтесің, оған ештеңе сатып ала алмайсың,-депті. Сонда досы:

- Мен елтаңбамды көтеріп жатырмын. Елтаңбамыздың еңсесі биік, көк байрағымыз көгімізде қалықтай берсін дейік. Ұлттық теңгеміздің – ұлттық құндылығы жоғалмасын. Елімнің мәртебесін аяқ асты етпей жоғары көтеріп жүру – өз басым парызым деп білем, - деп жауап беріпті.



